

Un cuadro di Betico Croes pa cada ministerio di Gobierno

ORANJESTAD (AAN): Diamars Ministro di Husticia sr. Rudy Croes a haci entrega di un cuadro di Libertador G.F. (Betico) Croes, na su colega Ministronan. Esaki den cuadro di e celebracion di nos Dia Nacional, dia di Nos Himno y Bandera.

Tal manera a priminti e gobierno aki ta cumpli. Ta e intencion pa cada Ministerio, Sala di Consejo di ministronan, Oficina di Ministro

Plenipotenciario na Hulanda y e Sala di Betico na Hulanda tin un cuadro di Nos Libertador Betico Croes.

Aruba no por laga e imagen di e gran estadista aki pasa pa historia. Si nos cu ta den gobierno no duna atencion, contenido y debido respet na e trabao cu Betico a haci pa awe nos tin nos Status Aparte, anto nunca e futuro generacion lo sa e berdad tras di e



desaroyo politico di pais Aruba manera mester ta. Ta pesey mes Ministro Rudy Croes a tuma e iniciativa pa laga traha e cuadronan aki cu

ayudo di Check Point Color Santa Cruz y tambe Fundacion Betico Croes pa obsequia e fotonan di Betico.

E cuadro ta traha riba can-

vas y ta diseño di F. Vermeer y E. Yarzagaray. Esaki ta e prome paso, despues lo sigui cu e schoolnan y oficinanan di gobierno.